



**T'a Nations Unies
Nih baní dene
ʔełts'eradı nane
hoʔa Denededłıne
t'a Bek'anota ha
yatı nedhe holı**



Zeja zası detł'is si t'ą losı zedeba yełtsı horełzıh de ba hozaşı, t'ą losı dene kalyé tth'ı dene ha hoza kuli nanı ha due sı, t'oho losı dene ha hołé hadé dene ha hozaşı zedırı zerihtł'is nedhe dene ha hołı sı ku zedı begħa kohondı deza.

Ku zedırı hułtsı nets'edı sı:

- t'a hołé sı hotie bogħıhı t'a zeltth'ı zerihtł'is nełtsı hadé bogħedı hoza;
- ku t'a detł'is sı bek'e sı horelyu beł hawıle la t'a zerihtł'is nełtsı ha sı, zeyı heł t'ą dene yerıtl'is tth'ı beł hu; zeyı chu
- zedırı t'a zerihtł'is nełtsı sı t'ą betł'esı hotthé hołtsı sı dek'erıtl'is zedırı Canada nask'at'a t'ą K'oldé bets'ıřane hołı sı chu t'ą Canada nask'athe t'ą K'oldé sı bets'ı yatı gharé hołıle sı.

Zedırı nułzıh la zedırı dene yatı za detł'is sı Canada nask'athe t'ą K'oldé bebası hołı kuli bets'ıle sı. T'a yatı dene za hołı sı Nations Unies ha dene k'oldé sı t'anıdhęn sı k'esı hıle għonı.

Ku nanı ha zedırı zerihtł'is hega hadé hotthé ts'ęn tth'u zedırı ministère de la Justice Canada hots'ı k'oldé bedagħaré deza. ku załı zeja zası detł'is begħa núsıh nıdhęn de, zedırı t'a k'oldé Justice Canada bets'ı yatı nułzıh zeja tsatsane benı hułı k'é: www.justice.gc.ca.

© T'a Ts'ekui t'ak'oldher Reine zeja T'a dene ha hoza Canada bebası, t'ą zedırı ha k'oldher ministre de la Justice chu procureur général du Canada hots'ı bebası, 2020 neę k'e.



YATI NEDHÉ T'A HOLI

T'a Nations Unies Nih baní dene zelts'eradí nãne hoza Denededłhne t'a Bek'anota ha yati nedhe holı

T'ãthé zedırı dene bebası holı nı
T'a Nations Unies Nih banı dene zelts'eradı
T'a betl'esı Affaires économiques chu sociales
September 2007 nẽnẽ k'é

T'a yati behayaıtı t'a l'Assemblée générale hulyé hutl'ır ní 13 septembre 2007 nẽnẽ k'é

[ku zedırı holı k'i t'a there grande commission bel yati holılé (A/61/L.67 chu Add.1)]

61/295. Nations Unies Nih banı dene zelts'eradı Yati Nedhé holı on t'a denededłhne haralzá sı hobebá

T'a Dene horelyu zela delth'i,

Zedırı honet'ı t'a yati zelghorelyya sı t'a Dene ba hoza zası zerełtsı ha Dene zela delth'i k'ı t'a yati behayaıtı 1/2 hanełt'e 29 juin 2006 nẽnẽ k'e,¹ zeyı gharé t'a Conseil k'oldé zẽn dadı nı t'a yati detł'ıs Nations Unies nãne hoza l Denededłhne t'a Bek'anota ha yati nedhe holı sı hobası,

T'a benahonı zedırı t'a yati behayaıtı 61/178 k'ı 20 décembre 2006 nẽnẽ k'é, zeyı gharé yunadhé nıt'a ha danıdhı nı zedırı chu nailna ha t'a Yati Nedhé holı ba nıt'a ha zalı behayaıtı ha dene hel zedırı yati hołe hozası begħa yati dene hel, chu t'a nodher sı zeyer ts'ẽn halyá nı t'oho zedırı t'a soixante et unième hulta nayatı belaghé ts'ẽn t'a Assemblée générale dene zeledeł hok'é,

Yehlchú t'a Nations Unies Nih banı dene zelts'eradı nãne hoza Denededłhne t'a Bek'anota ha yati nedhe holı sı zedırı yé halyá nı t'a yati begħoret'a t'a dıhı t'a yati behayaıtı sı yé.

*107th hulta t'a nayatı
13 septembre 2007 nẽnẽ k'e*

¹ Zeyı nıłzıh la T'a yati kozelzıh sı t'a l'Assemblée générale dene zelethedel hots'ı, Soixante et unième session t'oho zela delth'i, Begħoret'a No. 53 (A/61/53), zıłaghé hulta, chap. II, sect. A.



Yatı nedhe t'a holı

T'a losı denededłıne haralzá sı zedırı Yatı Nedhé holı zedırı ghá t'a T'a dene ha hozaşı hobeá

T'a Assemblée générale dene zelededel bets'ı zqnr holı,

Bedagharé zedırı t'a zası hołé chu yatı betł'esı hołé t'a yatı nedhé hots'ı begharé dene ha nıť'á, chu sughuá honıdhęn t'a yatı holı sı k'é zedırı t'a hołé hozaşı zedırı t'a hodı yatı zedırı zası hoghédı t'a Charte hulyé,

zedırı bek'anoťa ha horelyu dene t'ok'e losı naradé zelk'esı bek'anoťa hoza, ku zedırı hel net'ı hoza t'a t'a dene ha hoza sı horelyu dene zedı bel hoza k'anoťa hoza tthenę bel hozaşı zelk'esı net'ı hoza, chu t'at'u zedı sı besuhudı hoza,

zedırı bek'anoťa chu horelyu dene t'a zası k'enedé sı tthenę sı t'a bech'alanıé chu t'ok'e naradé sı k'e zedıni benenę k'e ghare, zeyı za t'a dene haralzá sı tthenę sı zeyı hobeá horelyu besuhudı hoza zelk'esı,

zalı zedırı bek'anoťa t'a bets'ı zerihtł'ıs nedhé holı sı, zası k'enedé chu t'a nakoreldé sı dzıne daneł'u zeyı dene huto t'a zedırı dene zeyı t'a zası k'enedé t'ok'é naradé sı chu t'a zası k'enedé chu t'at'u dayałtı dałı due beneldhęn hoza hılé zedırı dene bech'alanıé zedı dekulı due beneldhęn hoza hılé,

Ku zedırı hotıé net'ı hu t'a denededłıne haralzá sı, zęjá t'a hołé hadé denededłıne t'ok'e naradé sı dué haldhęn ha due sı t'a hęłı sı bası,

Ku zeyı honet'ı hadé t'a yuné zası ka dadaghelzá nıde zedır zelk'ech'a zası t'a, inter alia, tthot'ıne dene benenę k'e nıdeł t'a chu benenę ch'ası dıdeł za chu t'ok'e nats'edé dałı hel, benenę k'eyaghe chu bets'ı zası beghá due halya, yet'a t'ok'e zası nakoreldé ba horená haja t'a dene ha hozaşı zedeba nakoreldé bets'ı nıť'ıdeł zá,

Ku zedırı bek'anoťa t'a zası kenaradé nısí besuhudı chu zeyı yudaghé nıť'a hoza t'a bets'ı hoza nısí t'a dene ha hozaşı t'at'u zedets'ęn k'oldé hu, nakoreldé chu t'at'u zası k'enedé chu t'a bech'alanıé nısí hu, t'at'u dayałtı hu, behonıé chu t'at'u zası k'enedé dałı, chu zedırı ttheré net'ı hoza t'a dene ba hozaşı t'ok'e nats'edé chu bets'ı zasıe heł,

Ku zedırı tth'ı bek'anoťa t'a kudąné zası k'enedé sı besuhudı chu yatı yunadhé nıť'a t'a dene ba hozaşı t'ok'e bel tsamba nałya yatı hıłı sı hel, lımarshı chu t'a yatı nedhé gharé t'a hodı sı k'e besudı hoza,

Ku zedırı bel honıdhęn t'a zeyer honaré dene naradé sı zası nedhe zedeba nakoreldé hıjá sı dıhı, la bası hu, zedeba chu dene ch'alanıé nats'er hanalyé chu yuné t'a dué haldhęn nısí narıldé hozeldzai horegothe hołé t'a hęłı ha chu yunadhé bet'a zası nezı nıť'a ha denededłıne ba,

Ku zedırı hołé ha honıdhęn t'ok'e denededłıne naradé sı benaré zası hołé de bel hoza t'ok'e nats'edé horelyu hel hoza, benenę chu zası k'enedé de zeyı tsamba godhé za zası dałtı ha zedeba, bech'alanıé chu bets'ı zası ba chu t'a zası dı narałtı sı ba hołé ha zedırı yatı t'a,

zedırı net'ı hoza t'a besuhudı denededłıne bebası t'a ba hoza zası henerenı hu, bech'alanıé hel t'a zası k'enedé chu zelk'esı zası ba hołé chu benaré benenę k'e t'a zası k'enedé hotıé boghedı hoza,



Hotie zediri honet'ı hozaq t'a zası hoıtsı sı zeyer honare t'a yuné zelts'elghal ghılé t'a t'ok'e nats'edé chu horelyu zeyer honaré sehoza hoza zeyı ch'ası, la ha nakoreldé chu bel senudhı chu t'a hok'enedé, besuhudı hoza chu horelyu zelnaré sehóza k'enats'edé chu dene zediri nıh k'e zela sughua bel hoza de nezı ha,

Ku zediri hotie bek'anotá t'a dene ba hoza zediri denededıne t'a ba hoza bekuę bası hu t'ok'e naradé bası hu t'at'u sekı danıye sı zela hadayıle hoza t'at'u, t'a dene ba hoza sı k'e,

Zediri tth'ı honet'ı hu t'a dene ba hoza so bets'ı tsamba naıya yatı ye t'ats'edı sı hu, lımarshı chu zeyer honaré t'a zası begharé zası hoıé hoza yatı t'a hodı chu zeyı nahıye yatı dene hel chu t'a k'oldé bel nıh banı honet'ı hoza due bel hoza dé,

Ku zeyı hel zediri honet'ı t'a tsamba naıya yatı hu, lımarshı chu t'a honezı zası bet'esı zası hoza, chu t'a zela zası k'enats'edé hu, horelyu t'a zeyı k'ey zası k'enats'edı k'ı chu t'a hodı sı gharé zası hoıé hoza,

Ku zediri honet'ı t'a yatı nedhé begharé dene ha nıt'á sı gharé de, t'a Pacte international Nıh banı dene nakoreldé hodorelıh de ba nıt'a hoza, Horelyu zedeba chu Dene ch'alanıe t'a dene ba hoza sı k'e² chu t'a Pacte international Nıh banı t'a yatı nedhe hoı sı Dene ha chu polıqutes k'e t'a dene ha hoza sı hel,² zeyı chu t'a Vienne Yatı Nedhé hoı chu T'a begharé zası Nailná yatıe,³ zediri ts'edı sı t'a zediri yatı nedhé bek'anotá ha t'a dene zedeba nakoreldher ba hoza horelyu dene beba, ku zediri hel t'a zası zedets'ęn k'oldé ba nıt'a hu la zedeba nuzá hu zedeba zası daltsı hodorelıh de bets'edı hoza t'oho losı,

Ku zediri tth'ı benanodher hoza zediri Yatı Nedhé hoı k'ı bets'ı nılye ha dué t'oh dene t'air t'a ba hoza sı zedeba nakoreldher horelıh de, t'a yatı hoıé sı nıh banı bek'anotá t'a yatı bet'a sehoza sı gharé,

Zediri bek'oret'a t'a bek'anotá hadé t'a dene ba hoza sı zediri Yatı Nedhé hoı sı ye t'at'u dene bel sehoza sı k'e hası chu t'at'u zelts'eredı k'e tth'ı ha t'a benaré k'oldé naradé sı bel chu hoza, t'a yatı begharé sehoza yatı za hu, t'a k'oldé beghae hu, hotie besuhudı hoza dene ba t'a hoza zası zereıtsı hadé, dué tth'ı haldhęn hozaıé t'a hęı aa chu sughua bel zası hoıé hoza,

Ku zediri ts'edı hu t'a hodı hadé zediri hel chu hotıe degharé zediri yatı hel nıt'a hoza zası hoghedı hel, ku t'a dene t'a ba hoza zası zereıtsı ha nıt'a hoza hoketı'a dene hel yatı hoıe chu bets'edı hoza t'a dene zeyer honaré naradé sı bel,

Ku zediri bek'e yatı nıt'a hoza t'a Nations Unies Nıh banı dene zelts'eradı zediri zası nedhé ba nıt'á sı chu dene ts'ęnı ba hoza sı hoketı'a chu yek'ęnı t'a dene ba hoza sı horelyu zeyer honaré,

Ku zediri nuheba zeltth'ı danıdhęn t'a Yatı Nedhé hoı sı horelyu dene yet'oreıza ha hoı t'a dene ba hoza sı chu t'a dene xa hoza chu t'a zek'ech'a zası k'enedé zediri t'a Nations Unies Nıh banı dene zelts'eradı k'e nıt'á sı gharé yet'oreıza ha,

² T'a yatı behayıtı nııh la 2200 A (XXI), annexe.

³ A/CONF.157/24 (Zediri I k'ı), chap. III.



Bek'annotá chu bek'oret'a zedırı denededłıne t'a ba hozaşı t'a zedırı dene dué haldhęn t'a hęlı ba bek'enáts'edé hoza hılı sı t'a dene hęlı sı bası ba hoza zası zerełtsı hadé nıh banı bek'anótá sı zeyı t'a yatı bet'a sehoza k'e hoza, chu zeyı dene bet'sı zası k'anótá hozaşı begharé zası k'enadé zeyı dene hęlı sı k'e bel dué hané ch'a,

Zedırı tth'ı bek'annotá hoza t'a dene hel t'ahozası t'ok'e naradé sı zedı sı chu benęę zedı dałı chu zeyı t'a bel t'ahuzaşı horelyı zęk'esı net'ı hoza hoketł'a chu zeyer naré naradé chu yuné bel t'anodher chu dene ch'alanıe horelyı zęk'esı net'ı hoza zedırı yatı gharé,

Zedırı yatı k'oret'a sı t'a zedırı Nations Unies Nıh banı dene zęłts'eradı nęne hozat'a dene ba hoza Denededłıne t'a Bek'annota ha yatı nedhe holı sı besuhudı hoza begharé zası hoghedı hoza za zęłts'eradı chu zęk'oret'a ha begharé:

T'a detł'ıs 1

Denededłıne horelyı zęk'esı t'a ba hoza t'a bek'etł'a ts'ęn dene ha nezı chu zıea huto t'a zedırı dene, of all dene t'a ba hoza zası zerełtsı ha chu zeyı tthé t'a dene xa hoza t'ok'e bek'annota t'a yatı nedhé begharé dene ha nıt'á, t'a Universal Yatı Nedhé holı of Dene t'a ba hoza zası zerełtsı ha⁴ chu international nıh banı dene t'a ba hoza zası zerełtsı ha t'a yatı bet'a sehoza.

T'a detł'ıs 2

Denededłıne horelyı zęk'esı haldhęn chu t'a zedırı dene ba hozaşı chu zęk'esı haldhęn chu t'a zedırı dene chu zası ba hoza sı t'a dene hęlı bek'enats'edé hoza hıle dué haldhęn ch'a t'a hęlı ha, ku zeyı hel t'a hołé dałı bet'sı hozaıle tth'ı hu zeyı bası t'a dene hęlı sı bası zeyer honaré denededłıne t'a hęlı sı bası bek'annotá hoza due hobeneldhęn tth'ı hoza zıle hu.

T'a detł'ıs 3

Denededłıne horelyı zęk'esı haldehęn hoza t'oho zedeba nakoreldher ba hoza de tthenę horełzıh de besuhudı hoza. Ku zeyı k'e de t'a dene ba hoza sı horelyı zası hełtsı ba nıt'a hoza zeyı yełtsı ha la bası hu, zedeba chu dene ch'alanıe natser hanalyé dałı ha.

T'a detł'ıs 4

Denededłıne horelyı zęk'esı ba nıt'a hoza t'oho zedeba nakoreldher ba hoza horełzıh de zeyı hel, tthenę t'a ba hoza k'enadé hodorełzıh de huto zedets'ęn k'oldher horełzıh de zedebá chu zeyer honaré t'a k'enadé horełzıh de, zeyı chu zedeba zası k'enadher horełzıh de bet'sı edı chu ba nıt'a hoza tsamba dałı hel.

⁴ T'a yatı behayałtı 217 A (III).



T'a detl'is 5

Denededłıne horelyu ʒelk'esı ba hoʒası tthenę ʒedets'ęn k'oldé hodorelʒıh dé chu ʒeyı natser hanalyé horelʒıh de ba nıʒ'a hoʒa, sehoʒa yatıé hu, ʒedeba nakoreldé hu, chu dene ch'alanıe natser nadlı ha ʒasıé hu, hoketł'a t'at'u ʒedeba ba hoʒa nıʒ'a hu beł ha, yedorelʒıh dé, ʒedegha k'oldé hu, bel ʒası nıʒ'a la bası hu, benaré hu dene ch'alanıe natser hanalyé ʒeyer naradé naré.

T'a detl'is 6

Horelyu denededłıne t'a ba hoʒası t'a ts'ıʒáne hełı sı bek'anoťa hoʒa.

T'a detl'is 7

1. Denededłıne t'a ba hoʒası t'a ʒedırı dene ʒedets'ęn k'olde chu t'a ʒası k'enadé sı ʒehena chu benaré ʒasıé chu benı sughuá chu bel sehóʒa horelyu ba nıʒ'a hoʒası hoketł'a.

2. Denededłıne horelyu ʒelk'esı ba nıʒ'a hoʒap t'a ba hoʒası t'at'u ghená horelʒıh sı bası bek'enats'edé hılé hu, bel sehóʒa chu bel ts'ethıyę hu ʒası k'ahılé ʒesolyé hoʒahılé łeghalde hılé tth'ı hoʒa t'a hełı ha, beskenę tth'ı bech'ası dılyé tth'ı hoʒa hılé ʒeladıne neņę ts'ęn.

T'a detl'is 8

1. Denededłıne horelyu ʒelk'esı haldheņ chu t'a ʒedırı dene t'a ba hoʒası beghada hoʒalıé bech'alanıe begha nelthıth hutó ʒeladıne gharędel halyé hoʒahılé.

2. T'a k'oldé hotıe degharé ʒeyı ch'ası dene ts'enı hoʒa ʒedırı dene ch'ası nıʒ'a dene xa:

(a) T'a bets'ęn ʒası hołé bet'a ʒedıņı t'a hełı sı k'aʒı haldheņ ha t'a dene hełı sı bası, bech'alanıe chu t'a hełı sı bası;

(b) Bets'ęn ʒası hołe benęę ch'ası dılyé dałı chu t'ok'e nats'edé, nıh chu nıh ʒası begha hıłchú bedagharehıle;

(c) ʒelk'ech'a ʒasıé bel nodhı dılyé dałı benęę ch'ası t'a dene ha hoʒası begha besdołé há;

(d) ʒelk'ech'a ʒasıé bet'a ʒeladıne gharędel ts'eré yorelʒılé dekulı;

(e) T'a losı yatı ch'ele bets'el del ʒedıņı dué haldheņ t'a hełı sı k'aʒı haldheņ ha ʒanılé.

T'a detl'is 9

Denededłıne horelyu ʒelk'esı haraldheņ chu t'a ʒedırı dene ba hoʒası beghadalalıé hoʒa t'a denededłıne t'a ba hoʒa bası tthenę naradé tth'ı beghadalıé tth'ı hoʒa hu, ʒedırı t'a ʒası hok'enadé chu t'a bets'ı ʒasıé chu t'a hełı sı bası t'ok'e naradé sı naré. ʒıła kulı dué tth'ı haldheņ hoʒalıé chu t'a hełı sı bek'enats'edı tth'ı hoʒaıle t'oho losı t'ok'e nadé nare.



T'a detl'is 10

Denededłıne horelyu ʒelk'esi haldhɛn chu benɛnɛ ch'ası dılye hoʒaıle ʒası kailé. ʒedıny nıdhɛn hılé de dene dılye hoʒaılé benɛnɛ ch'ası t'a Denededłıne horelyu ʒelk'esi haldhɛn tth'ı hoʒa ʒedırı yatıe t'a, hotie boghedı hoʒa.

T'a detl'is 11

1. Denededłıne horelyu ʒelk'esi ba nıt'a hoʒa t'a dene ba hoʒası ʒedeba ʒası k'enedé de chu bech'alanıe chu t'a ʒası k'enede natser hanalyé ha ba nıt'a hoʒa. Ku ʒeyı t'a ts'edı sı dene ba hoʒa tthenɛ yek'enedé ha, boghedı chu bel sehenıt'a t'a yuné hots'ı, dıhıy chu yunadhé t'a bech'alanıe ha ʒası k'enedé hats'edı sı, ʒedırı yunı sı denenı ʒasé chu t'ok'e naraıdé k'e holá sı hel, ʒeyr hots'ı ʒasıe hu, t'a holé hu, t'at'u dayaıtı hu, t'a ʒası daıtı sı chu ʒası bek'anota chu ʒası k'enedé chu beyatı t'a detl'is dalı.

2. T'a hodı hadé Denededłıne horelyu ʒelk'esi haldhɛn hoʒa t'oho losı ʒası k'enedé, hel besuhudı hoʒa bech'alanıe hok'enedé dalı, t'a k'odorelyu hu, t'at'u dayareıtı chu t'a ʒasıe hel dayareıtı begħa hılchu hoʒaıhılé, hotthe bel kohodı hılé de chu ʒen nıdhɛn hııdı kolye ha hoʒası t'at'u ba sehoʒa dagħaré.

T'a detl'is 12

1. Denededłıne horelyu ʒelk'esi haldhɛn hoʒa t'a ba hoʒası bası t'at'u ʒası daıtı sı, k'enedé hu, daıtı sı chu t'a hodoneıtɛn bets'ı dayaıtı chu ʒeyı ʒası k'enedé, t'at'u yek'enedé chu t'a k'enedé; t'a ba hoʒa bek'onı hoʒa hok'etı'a begħa najıs ch'a, bek'onı hu, chu ba nıt'a hoʒa bech'alanıe k'e holá naıtı hodorelɛıh de t'oho losı; t'a ba hoʒası t'orełza chu yegħa k'oldé t'a ʒası t'odorełza; chu t'a dene ba hoʒası chu denenı ts'ı tth'ɛnɛ benɛnɛ k'e nılye ha ʒeyer bek'onı ha.

2. T'a hodı yatı hadé dene ha nıt'a hoʒa t'oho losı denenı tth'ɛnɛ huto ʒası hulza de dene nɛnɛ k'e nılye t'at'u ʒelthı'ı halyá walı sı k'e, dene nalé chu t'at'u ʒelthı'ı halyá walı dene t'a benɛnɛ heł.

T'a detl'is 13

1. Denededłıne horelyu ʒelk'esi haldhɛn hoʒa t'a ba hoʒası bası bets'ı ʒası natser hanalé ha hu, yet'orełza nadı hu, yeıtı sı chu yunadhé dene godhé ha seyıle yet'orełza nadı ha, beyatıe hu, bech'alanıe hu, t'at'u nanedé hu, ʒası darıtı'ıs chu t'a ʒası detl'ıs, ʒeyı chu dene ts'ɛn nıt'a chu ʒeyı laıt'e ʒası k'onı ha nıt'a horelyu ʒeyer honare dene xa.

2. T'a hodı hadé ʒedırı ʒası kudane t'a k'oldé dene ha hoʒası k'onı chu yogheıtı hoʒa chu denededłıne hotie ʒedırı henerenı hoʒa chu beneredı hoʒa bek'onı ha besdóle ch'a, yek'enı chu t'a begħaré hoghedı ha, t'at'u hotthe yatı theza chu honese ʒeyı holé bası dalı k'e.

T'a detl'is 14

1. Denededłıne horelyu ʒelk'esi haldhɛn hoʒa t'a ba nıt'a nı sı k'e t'at'u sekı honelɛn yegħa k'oldé ʒeyı sekı beyatıe chu ʒedegħa honelɛn ha, t'at'u ba nıt'a walı sı ʒedıny yegħa k'oldé t'a.



2. Denededłıne t'a ba hoza t'a zedırı dene, zedırı sekui hu, ba t'a ba hoza horelyu ts'ęn chu zelk'echa sekui honeltęn dahola t'a États t'a betł'esı hozaşı sı dué haldhęn t'a hęlı ha.

3. T'a hodi hadé t'a k'oldé zedırı hełtsı ha, denededłıne heł, t'ok'e t'a denededłıne t'a ba hoza t'a zedırı dene ha nıt'a sı k'enedé ha, sekui hotthé net'ı, t'a zeyer honaré naradé chu t'ok'e naradé sı dałı, zeyı ba nıt'a hoza zedırı gharé, t'oho dene ha hoza de bech'alanıe chu beyatıé t'a.

T'a detł'ıs 15

1. Denededłıne horelyu zelk'esı haraldhęn hoza have t'at'u naradé chu bech'alanıe k'anotá hoza, t'a hok'enedé hu, behonıé chu t'a hodorełzıh zęjá zası detł'ıs sı t'at'u boghedı hozaşı bası.

2. T'a hodi hadé t'at'u zedırı hołé ha bek'enats'edé deza, zeyı dene hel yatı hołe t'at'u nailná chu t'a denededłıne behel nodhı hası beł, due hets'edı chu zeyı zası dodı t'at'u dué haraldhęn t'a hęlı ha chu zelk'ech'a dene sughua yenıłthęn ha yunadhé de, yenerenı t'a chu denededłıne heł sughua zası k'enedé horelyu zeyer honaré hel.

T'a detł'ıs 16

1. Denededłıne horelyu zelk'esı ba nıt'a hoza t'a dene ha hoza zedıni tthenę yełtsı horełzıh de beyatıé t'a honı k'e dahola hodorełzıh de chu ba nıt'a zedırı gharé t'a hołı sı hel denededłıne t'a ba hoza honı dahola dué haldhęn t'a hęlı ha bek'enats'edı hoza hılé.

2. T'a hodi hadé zedırı t'a hołé t'ok'e K'oldé t'a honı k'e dahola sı denededłıne t'a ba hozaşı ts'erani hoza dene ch'alanıe t'a zelk'ech'a hıłı sı bası boret'ı ha. T'a hodi tth'ı hadé, t'oho ba nıt'a hoza zedırı zelk'ech'a denededłıne t'a ba hozaşı t'a dene ch'alanıe zelk'ech'a hıłı sı boret'ı ha hok'etł'a.

T'a detł'ıs 17

1. Denededłıne t'a ba hoza hadé t'a zedırı dene chu dene t'a ba hozaşı horelyu zelk'esı haldhęn hoza t'a yatı bet'a sehoza hıłı gharé.

2. T'a hodi hadé dene hel yatı hołe zası nailná t'at'u hołé chu denededłıne t'a ba hozaşı bek'onı chu sekui la k'e nadarełya nechılé de chu zeyı łat'e zası dałtsı hozaıle nechılé de huto zerihtł'ıs kuę nadher ch'a ha boghedı hoza hoketł'a, sughuénahılé ch'a tth'ı ha hoghedı hu, benı łá ch'a tth'ı ha hu, t'at'u yarełtı tth'ı ha hu zası nakoreldher dałı ha horelyu bel t'ahuza ha boghedı hoza sughua hots'ęn.

3. Denededłıne t'a ba hoza sı t'a zedırı dene t'a ba hozaşı t'a la hereltsı sı zelk'esı haldhęn hoza t'at'u bets'ęn nanı chu t'a la hıłı sı ba nıt'a hoza honesı dene k'esı.

T'a detł'ıs 18

Denededłıne horelyu zelk'esı haldhęn hoza have t'a dene ba hozaşı bası zası gha yatı de benaré dene hel yatı nızá ha t'a dene ba hozaşı hel, zeyer honaré dene hel t'oho nodhı sı k'eyaghe zedıni t'at'u zası k'enedé hel zeyı hel t'oho nıt'a tı'aghe de załı dene hel nadarełya.



T'a detl'is 19

T'a hodí hade dene hel yatí hołe hoza chu zel'tth'í hots'ęn bets'edí ha hoza t'a denededłine t'a hodorelzi h s1 zelk'es1 net'1 t'a hodorelzi h s1 bas1 bel nodh1 hoza hok'etł'a t'a zas1 bel nodh1 hozas1 gha, hotthé t'anodh1 ts'ęn tth'ú bel zedini t'anidhęn s1 hel t'a zas1 begha nodh1 s1 t'a begha hol1 n1s1 bas1.

T'a detl'is 20

1. Denededłine horelyu zelk'es1 haraldhęn hoza t'a dene ba hoza zedeba zas1 nakoreldher chu t'at'u zedets'ęn k'oldé n1za horelzi h s1 bas1, la bas1 chu zedeba zas1 n1t'a horelzi h d1ł1 he t'at'u benaré zas1 h1ł1 s1 yegha k'oldé tthenę ts'ęn, t'a zas1 k'enadé n1s1 chu la zelk'ech'a hel.

2. Denededłine horelyu zelk'es1 haldhęn hoza t'a due haralyá n1s1 zedeba nakoreldé begha h1lchu n1s1 bel sehen1t'a hoza zey1 ch'as1.

T'a detl'is 21

1. Denededłine horelyu zelk'es1 hobeneldhęn hoza, dué haldhęn ch'as1 t'a hęł1 ch'a, t'at'u bel sehulya wal1 s1 ha net'1 hoza la bas1 hu, benaré t'ahuza bas1 hu, zerihtł'is kuę hu, la bas1 hu, zas1 ha honeltęn d1ł1 hu zas1 godhé hereldęn tth'1 ha hu, yoh ba hoza, benare sor1t'é chu sughuéna chu bets'edí d1ł1 tth'1 hoza.

2. T'a hodí hadé ba zas1 hołé hadé hotié halyé chu, t'oho hoza de, zas1 t'a bet'oreza s1 net'1 hoza bet'a zeyer honaré hotie sen1t'a ha. Ku t'a dene hotthé net'1 hadé t'a denededłine t'a ba hoza załnedhé hu, ts'eku1 hu, seku1zase hu, seku1 chu t'a dene betth'1 za naralt1 has1.

T'a detl'is 22

1. Ku zediri hotié honet'1 hoza t'a dene ba hozas1. Ku t'a dene hotthé net'1 hadé t'a denededłine t'a ba hoza załnedhé hu, ts'eku1 hu, seku1zase hu, seku1 chu t'a dene betth'1 za naralt1 has1 zediri Yat1 Nedhé hol1 gharé.

2. T'a hodí hadé zediri hołé hoza, denededłine t'adanidhęn beł, bet'a t'a denededłine t'a ba hozas1 hel ts'eku1zase chu seku1 horelyu zelk'es1 due haraldhęn ch'a chu dué haldhęn ch'a t'a hęł1 ha.

T'a detl'is 23

Denededłine horelyu zelk'es1 haraldhęn hoza t'at'u yunadhé zedeba nakoreldhęn ha chu t'a zas1 hotthé n1ralé chu t'a zas1 hołé s1 beba yek'enadé ba hoza zey1 gharé hołé. Ku zediri tthere s1, dene ba hozas1 t'at'u sughua ghena n1t'a hu, yoh chu la k'e n1t'a chu t'a benaré zas1 ghetł'el dene xa n1t'a chu ghetł'el yegha k'oldé hel.



T'a detl'is 24

1. Denededłıne horelyu ʒelk'esi ba nı̄t'a hoʒa xaré bets'ı̄ nı̄h hots'ı̄ naidie t'orełʒa hu t'at'u ʒeyı dene nakoghodı̄ hu k'enedé ha chu t'a nı̄h hots'ı̄ naidı̄ hı̄lı̄ sı̄ k'onı̄ bek'onı̄ ha tech'adie chu nı̄h hots'ı̄ t'a t'orełʒa sı̄. Denededłıne t'a ba hoʒa t'a ʒedırı dene dué haldhęn ch'a t'a hęlı̄ ha bek'enats'edé hoʒaıle, t'a horelyu ʒeyı lıt'e ʒası k'enedher ha.

2. Denededłıne t'a ba hoʒa hadé t'a ʒedırı dene ba hoʒa sughua ha yet'orełʒat'a ʒası nedhé k'edaghe ba hołé hoʒa sughua ghena chu benı̄ natser ha yet'a t'a hodı̄ hade ʒedırı dene t'a yets'enı̄ hadé horelyu hotie ʒası hełtsı̄ hoʒa ʒedırı hołe ha t'a dene ha hoʒası.

T'a detl'is 25

Denededłıne horelyu ʒelk'esi haldhęn t'a dene ba hoʒa t'at'u ʒası k'enedé nı̄sı̄ dayarełtı̄ chu nı̄h ʒası k'enedé ʒeyer honaré bek'enats'ede hoʒaıle ʒeyı k'enede ha, benęnę k'eyaghe, tu k'e chu tuchogh tambaghe t'a ʒası k'enedé nı̄sı̄ yunadhe denegodhe hobeba bek'onı̄ hoʒa.

T'a detl'is 26

1. Denededłıne horelyu ʒelk'esi haldhęn t'a dene ba hoʒa nı̄ t'a t'ok'e nats'edé nare sı̄ bası̄, benęnę chu nı̄h k'e t'a ʒası hı̄lı̄ bets'ı̄ chu yet'orı̄łther bets'ı̄ hulta.

2. Denededłıne horelyu ʒelk'esi ba hoʒa ʒedırı bets'ı̄ hulta ha, ye'torełʒa hu, yełtsı̄ chu yeghą k'oldher t'a t'ok'e nats'edé naré, benęnę chu t'a ʒası hı̄lı̄ sı̄ ghą k'oldé hoʒa yet'orı̄łʒa nı̄ ʒa hu, horelyu ʒeyer honare denededłıne t'at'u nı̄h t'orı̄łʒa nı̄sı̄ k'e.

3. T'a hodı̄ hade ʒedırı dałtsı̄ hası̄ t'a dene ʒeyer honoare naradé sı̄ bek'anota ha nı̄h ts'ęn hulta hoʒa. Ku ʒeyı t'a bek'anota hadé nı̄h chu ʒası bek'e hı̄lı̄ hats'edı̄ bek'anota t'at'u yek'e naidie chu bets'ı̄ k'esi denededłıne hobebası̄.

T'a detl'is 27

T'a hodı̄ hadé ʒedırı hołé ha, denededłıne ʒeyer honaré naradé sı̄ beł, ʒelłth'ı̄ hołé hoʒa Denededłıne horelyu ʒelk'esi haraldhęn hel t'a yatı̄ bet'a sehoʒası gharé, t'at'u ʒası k'enaı̄de hu, t'at'u ʒası hoghedı̄ gharé hu bets'ı̄, t'at'u ʒası hodoghełnı̄ yatı̄ t'a hu nı̄h k'e t'at'u ʒası hodoghełnı̄ hu denededłıne t'at'u kqt'u ʒası k'enedé nı̄ k'e, benęnę nare chu bek'e t'a ʒası hı̄lı̄ sı̄ ghą t'a bets'ęn hulta yek'e naidé chu yet'orı̄łther t'a. Denededłıne benaré ʒeyı nodhı̄ hadé beł hoʒası.

T'a detl'is 28

1. Denededłıne horelyu ʒelk'esi haldhęn t'a dene ba hoʒası ʒedırı net'ı̄ nadłı̄ ha, ku t'at'u hadé bets'ęn nanadı̄ huto ʒeyı beł due nodher ha huto, t'oho ʒeyı hołe hadue de t'a t'ok'e nats'edé nı̄sı̄ ha selyé hoʒa, benęnę naré chu t'a nı̄h k'e ʒası hı̄lı̄ nı̄sı̄ beghą hı̄łchu huto besdołı̄ beghą dodı̄ haja de, ʒeyı chu beghą hı̄łchu, dene yek'e nı̄deł hu, bedagharé hı̄lé nodher de senalyé hoʒa beł benęnę k'eyaghe.



2. Ku kohodile de banet'u zek'esi honidhi de t'a dene beba zeltth'ile de, t'a dene ts'en nanj hadé t'a form of t'ok'e nats'edé nih za halyé huto, benenq k'eyaghe njh chu zasí nih hots'j hel halyé hozá, ku t'aghelya hadé tsamba za nanj zesqt'ele sí.

T'a detl'is 29

1. Denededljne horelyu zek'esi hulta hozá t'a ba hozá t'a zasí chu njh hoghedj hadé t'at'u halyé bel hozá chu zeyj zasí hujl sí hel. T'a hodi hadé t'a k'oldé zediri t'at'u selye seniyizá hozá dene hel zeyer honaré dué haldhen t'a hqlj ha ch'a.

2. T'a hodi hade t'a k'oldé zeyer honaré t'a denededljne naradé sí hotie njh hoghelnj hozá bek'e zasí horelnj njlye ch'a hotie zeyj nodhi ts'en tth'u t'a zeyer naradé sí bel hotie behayati hozá bedaghare hilé de.

3. T'a hodi hadé t'a k'olde hotie zasí k'enedé hozá zeyer dene naradé ts'jdhile, t'oho bet'orezá de, t'at'u njh hoghedj hu, beghalada chu sehenut'a hadé t'a dendedljne boghedj hotie hozá, t'a bel holé chu t'a yeghólnj zediri t'a dene bel zasí nodher dé zeyer honaré.

T'a detl'is 30

1. Ku zefets'elghal dene zasí k'enedé hozájlé t'ok'e nats'edé ts'jdhile huto zeyer benenq k'eyaghe dene naradé gá, kulj dene zeyj k'enedé ha zesqt'ele danidhen de bek'enats'edé ha hozásj zeyj denededljne bel.

2. T'a hodi hadé t'a k'oldé zediri dene hel daltsj hozá t'a zeyj lat'e dene hel yatj holé hel chu, hotie dene hel behayati hozá zeyj t'anodhi sí t'ok'e nats'edé huto zeyer honaré dene nenq naré zeyj k'enedé hadé.

T'a detl'is 31

1. Denededljne horelyu zek'esi haldhen hozá t'a dene ba hozásj t'at'u zasí hoghedj, betl'esi ghetl'el hu, boghedj chu t'a holé hozá zeyj dene ch'alanie besuhudj hozá, denenj yatj gharé zasí hoghedj chu yunisj dene ch'alanie ghá t'adanidhen sí basj, zeyj hel t'a njh basj zasí k'odóreljyá tth'j k'anóta hu, t'a dodórelzá chu bech'alanie, bets'j chu t'a zasí bet'a holé dalj hel, t'achaj tsiyé, njh hots'j naidie, t'achaj zek'ech'a hujl t'a beghá honj hujl hu, denenj t'a zasí k'enedé hu, t'a zerehtl'is hu, t'at'u holé hu, sa chu denenj sa zek'ech'a chu zasí bek'anota chu sa hok'enats'edé. Ku zeyj hel t'a ba hozásj bek'onj ha hu, boghedj hu, bek'onj chu yunadhé bek'enats'ede ha zediri dene ch'alanie t'a hujl sí, denenj t'a yatj bek'ojá, chu yunisj hots'j dene ch'alanie beghá t'ahonidhen sí.

2. Ku denededljne behel zediri t'a hodi sí bel t'a holé hasj nodhi hozá, ku t'a dene ha hozásj yeftsj ha t'a dene zasí ghá k'oldé k'í.

T'a detl'is 32

1. Denededljne horelyu zek'esi t'a dene ba hozásj tthenq t'at'u haiyilé hasj ba hozá chu t'at'u holé huto t'at'u bet'orezá t'ok'e nats'edé huto benenq k'eyaghe chu zeyer zasí hujl dalj sí beghá yatj de bel hozá.



2. T'a hodi hadé t'a k'olde dene hel yatı hołe chu zeltth'ı yets'enı hoza t'ok'e dene naradé ts'ıdhıle hel zası nodhı hadé benenę k'eyaghe t'ok'e nats'edé ts'ıdhıle huto zeyer benenę k'eyaghe chu nih hots'ı zası k'enats'edé hadé zedıni t'anıdhın beyatie horetth'agh hoza, zası nedhe k'enats'edé hadé zeyer honoare, tthetsamba k'enats'edé dalı hadé, tu huto zeyı lät'e zası k'enats'ede tth'ı hadé.

3. T'a hodi hade t'a k'oldé zedırı dene xa nuzá hoza t'at'u begharé sughua zası hołe chu zek'esı dene xa nuzá t'at'u halyé, chu t'a begharé hası bet'a nih hu kqt'e ha, la bası hu, zeyer naré hoza hu, dene ch'alanıe huto nih zarat'ı sı bası hoghedı hoza.

T'a detl'ıs 33

1. Denededlıne horelyu zek'esı ba hozası t'a t'a bets'ızane dene hılı sı bası hu t'at'u dene boghedı nı sı t'a yunı sı hots'ı yatı t'a. Ku zedırı bets'ı halzıh hailé ha sı t'a dene ba hoza nı sı t'a denededlıne t'a ba hoza k'e chu t'a zedırı dene t'at'u benenę k'e dene hulta t'a hodi t'a k'oldé t'ok'e naradé sı yek'orelyá gharé.

2. Denededlıne horelyu zek'esı haldhın k'ı t'a dene ba hozası t'at'u benenę k'eyaghe zası dałtı hodorelzih chu t'a dene benenę k'eyaghe naradé hulta dalı beyatie t'a.

T'a detl'ıs 34

Denededlıne horelyu zek'esı haldhın t'at'u dene ba hoza sı zedegha zası k'enadé hodorelzih de, zası dałtı chu zedeba t'a zası k'enadé sı t'at'u ba hozası k'e, t'at'u dayałtı hu, t'a zası k'enadé hu, t'at'u yek'enadé hu, t'a dałtı chu, t'oho hoza de t'at'u zedets'ın k'oldé, denesıyanıłtı kuę huto zeyı lät'e zasıe, zeyer honoare nih bıanı t'at'u dene boghedı yatı k'e.

T'a detl'ıs 35

Denededlıne horelyu zek'esı haldhın hadé t'a dene ba hozası tthenę naradé t'at'u k'oldé ha ba nıt'a sı.

T'a detl'ıs 36

1. Denededlıne horelyu zek'esı haldhın hadé zedırı honet'ı, nih zek'ech'a zets'ıdhıle naradé de t'ule tedhé nadél ha bek'anota hoza t'a ba hoza due hané ch'a zelot'ıne zelga naradé dalı hu zek'ech'a k'oldé boghedı hu, la bası chu zelgha nats'edı dalı ha, t'ok'e losı belot'ıne naradé dekulı.

2. T'a hodi hadé zedırı k'oldé haradı hu, t'a dene bel yatı hołe dene hel yałtı hoza chu yets'eranı hoza, chu t'at'u sughuá beghalada k'e nıt'a hoza t'a hołe chu hotie zeltth'ı nodhı ha t'a dene ba hozası bel.

T'a detl'ıs 37

1. Denededlıne horelyu zek'esı haraldhın hoza de t'a dene ba hoza sı bek'anotá hoza, boghedı chu t'a tsamba naıya yatı sı k'e hoza t'oho losı bel zası hołe de, lımarshı chu t'a zası bel holı sı bel hoza zeyı k'e t'a hodi sı k'e huto t'a yek'ını hedeł chu t'a hodi t'a bet'esı zası hołe yek'orezá hoza chu besuhudı zeyı t'a tsamba naıya, lımarshı chu t'a yatı holı sı k'é.



2. ku zɔ́la kulí zediri Yatí Nedhé holí ye zɛladɔ́ne neldhɛn hozaɔ́hilé chu zɛla dɔ́ne ts'ɛn net'í hozaɔ́ilé zediri t'a yatí nedhe holí sɔ́ k'a'zú net'í zediri t'a tsamba naɔ́ya, lɔ́marshɔ́ chu t'a yatí holí sɔ́ k'é.

T'a detl'is 38

T'a hodí hadé t'a k'olde haradí hu dene hel yatí hoɛ nailná chu dendedɔ́ne hel zɛlts'ehodí hadé zediri lɔ́t'e zası hel, zɛlth'í hoɛ hu, t'a nɔ́h ts'ɛn k'oldé beyatíe k'e hu t'a Yatí Nedhé holí sɔ́ k'é.

T'a detl'is 39

Denededɔ́ne horelyɔ́ zɛlk'esí haldhɛn hadé t'a dene ba hozaɔ́sɔ́ t'a ba nɔ́t'a zediri gharé tsamba hoghedí yatí chu dene zası k'olyá yets'ení ha t'a hodí basí gharé chu zɛlk'ech'a t'a hozaɔ́sɔ́ dene ts'edí k'e, yunadhe sughua zası t'a dene ba hozaɔ́sɔ́ k'e zediri Yatí Nedhé holí ye.

T'a detl'is 40

Denededɔ́ne horelyɔ́ zɛlk'esí t'a dene ba hozaɔ́sɔ́ ba nɔ́t'a hozaɔ́ t'at'u bel zası senlye ha kudáne tth'u chu t'a yatí behayaɔ́tí ghare t'at'u beba due huto zası nodhí de chu zɔ́la kulí zası t'a horena de ba zediri t'a hodí za huto zɛla dɔ́ne dene bet'a selyé, ku zɛyí hel bel zası za due haja de t'at'u selye ha zediri t'a dene ba hozaɔ́sɔ́. Ku zediri t'a nodhí ha k'í horelyɔ́ zası hel hozaɔ́ bech'alaníe hu, t'a hok'enade k'e hu, t'a ghare zası k'enadé chu t'a bets'í yatí bet'a sehozaɔ́ yatí hel chu nɔ́h baní t'at'u dene boghedí yatí t'a tth'í hel.

T'a detl'is 41

T'a zasıe chu dene zediri Nations Unies Nɔ́h baní dene zɛlts'eradí ha dene nadareɔ́ya chu t'a K'oldé hɔ́lɔ́ horelyɔ́ zediri Yatí Nedhé holí sɔ́ t'at'u zɛlts'edé ha yek'e zası daɔ́tsɔ́ be hozaɔ́ dɔ́hɔ́ tsamba chu yatí ghetl'el t'a. Ku zediri t'a bek'e k'í dene t'a bel nodhí chu t'a zası za ba horená k'enats'edé nɔ́t'a sɔ́.

T'a detl'is 42

T'a zediri Nations Unies Nɔ́h baní dene zɛlts'eradí nɔ́t'a k'í, chu t'a bel hozaɔ́ bets'í t'a zası ghá yatí, chu t'a zası hadayaɔ́tí ha hu, chu t'ok'e nɔ́h hots'í hozaɔ́ daɔ́lɔ́ bel zediri t'a k'oldé t'a hodí hotie dene besuhudí k'e hozaɔ́ ha chu t'a Yatí Nedhé holí sɔ́ k'e zası hoɛ ha chu t'at'u zası nodher tɔ́'aghe de net'í ha zediri Yatí Nedhé holí ts'í'zane.

T'a detl'is 43

T'a dene ba hozaɔ́sɔ́ zediri zası nedhe k'anota ha t'oho losí dene zehena de t'a k'a'zɔ́ yatí nɔ́t'a tthere hu, dene sughua ghena ba hoketl'a net'í hozaɔ́ horelyɔ́ denededɔ́ne ba.

T'a detl'is 44

Horelyɔ́ t'a dene ba hozaɔ́sɔ́ chu t'a dene xa hozaɔ́ zediri ba tthere hasí t'ok'e losí deneyu chu ts'ekuí denededɔ́ne t'a ba hozaɔ́ t'a zediri dene hɛlɔ́ sɔ́ bek'anota hasí.



T'a detl'is 45

Ku ʔı́la kuli ʔası ʔedırı Yatı Nedhé holı sı beye yatı t'á losı dene ghena bet's'ų nı́t'a hats'edı hılé sı dı́hı́ chu yunadhe t'a hoʔá bası dene ha.

T'a detl'is 46

1. Ku ʔı́la kuli ʔası ʔedırı Yatı Nedhé holı k'ı ye dene t'á losı huto t'a yatı nedhé begharé dene ha nı́t'á k'ı dene datedhe k'oldé ha holı hılé sı, dene hu ʔedırı t'a yatı nedhe holı Nations Unies hobebası k'e hoʔá huto dene beghó t'á dene ts'ęn k'olde t'ok'e t'a dene naradé sı beghá k'ots'elde ʔedırı t'a hotie t'á dene benęne k'eyaghe naradé bek'anota hoʔá.

2. Ku ʔedırı t'a holé ha k'ı t'ok'e t'a dene ba hoʔası t'a Yatı Nedhé holı sı k'e bek'enats'ede hoʔá hoketł'a, dene t'a ba hoʔá ʔası ʔereltsı́ ha chu t'a gharé ʔedırı t'a dene xa hoʔá horelyı́ besuhudı́ hoʔá dzı́ne danełt'u. T'a ʔedırı holé ha k'ıe t'a dene ba hoʔası ʔedırı Yatı Nedhé holı ye nı́t'á t'át'u begharé ʔası hołe hoʔá chu t'át'u honet'ı́ hadé t'a yatı bet'a sehoʔá gharé chu ʔeyer honaré t'a nı́h banı́ t'at'u dene boghedı́ yatı hı́lı́ sı tth'ı́ ʔa hoʔá. Ku ʔeyı́ t'a ʔası k'aʔı́ halyé net'ı́ hadé horelyı́ dene ʔelk'esí haldhęn hoʔá t'ok'e losı ʔeyı́ dene net'ı́ yatı gharé t'a dene ha hoʔası k'e chu t'a dene xa hoʔá bek'anota chu t'át'u t'a yatı gharé dene k'anota ha hoʔá t'ok'e naradé bel sehoʔá yatı t'a.

3. T'a horelyı́ ʔası ʔedırı Yatı Nedhé holı ye beghoręlyı́ k'ı hotie net'ı́ hoʔá t'a yatı bet'a sehoʔá yatı t'a hu, ʔeyı́ hotie besuhudı́ hoʔá horelyı́ dene t'a ʔedeba hoʔá sı ʔası ʔereltsı́ ha, ʔelk'esí tth'ı́ ba nı́t'a hu, ʔı́la kuli tth'ı́ dué haldhęn hılé tth'u ʔedırı t'á dene hęlı́ ha, sughua bel ʔası ghetł'el chu sughua bel ʔası k'enats'ede hel.